



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-1165/13  
Sarajevo, 10.9.2013. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 12.09.2013

Organizaciona jedinica	Klasifikaciona oznaka	Redni broj	Broj priloga
01-50-1-15	-46	/13	

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupnička pitanja – dostavlja se

Vijeće ministara Bosne i Hercegovine, na 61. sjednici održanoj 29.8.2013. godine, utvrdilo je Odgovor na zastupnička pitanja koja je postavio Denis Bećirović, zastupnik u Zastupničkom domu Parlamentarne skupštine Bosne i Hercegovine.

U prilogu prosljeđujemo Odgovor radi njegovog dostavljanja zastupniku.

S poštovanjem,

**GENERALNI TAJNIK**  
*Zvonimir Kutleša*





**BOSNA I HERCEGOVINA  
VIJEĆE MINISTARA**

Broj: 05-50-1-1165/13  
Sarajevo, 29.8.2013. godine

Denis Bećirović, poslanik u Predstavničkom domu Parlamentarne skupštine Bosne i Hercegovine na 46. sjednici ovog doma, održanoj 28.03.2013. godine, postavio je sljedeća poslanička pitanja:

1. Šta ste konkretno učinili i šta planirate učiniti na usklađivanju Zakona o vinu, rakiji i drugim proizvodima od grožđa i vina sa evropskih standardima?
2. Šta ste konkretno učinili i šta planirate učiniti na uspostavi Državne referentne laboratorije za analizu hrane, hrane za životinje i zarazne bolesti životinja?
3. Šta ste konkretno učinili i šta planirate učiniti na donošenju državnog zakona o gasu?''

Na poslaničko pitanje, Savjet ministara Bosne i Hercegovine je na 61. sjednici održanoj 29. 08. 2013. godine, utvrdio sljedeći

**ODGOVOR**

1. „Šta ste konkretno učinili i šta planirate učiniti na usklađivanju Zakona o vinu, rakiji i drugim proizvodima od grožđa i vina sa evropskih standardima“

U cilju rješavanja problema s kojima su se susreli domaći proizvođači, a koji su proistekli iz ograničene primjene Zakona o vinu, rakiji i drugim proizvodima od grožđa i vina («Službeni glasnik BiH», broj 25/08) u praksi, Ministarstvo je pokrenulo aktivnosti na izradi Nacrta zakona o izmjenama i dopunama zakona o vinu, rakiji i drugim proizvodima od grožđa i vina, a potom zbog potrebe izmjene većine odredbi postojećeg zakona, izradu novog teksta Zakona o vinu koji na 3. sjednici održanoj 15.07.2011. godine (I čitanje), te na 5. sjednici održanoj 14.09.2011. godine (II čitanje) Doma naroda PSBiH, nije usvojen uz obrazloženje da Prijedlog zakona o vinu BiH, koji je predložen Parlamentarnoj skupštini BiH na razmatranje i usvajanje nije u potpunosti usaglašen sa važećim uredbama EU.

Ministarstvo spoljne trgovine i ekonomskih odnosa, kao nadležna institucija za predlaganje Nacrta Zakona, otpočela je aktivnosti na izradi novog zakona koji će zadovoljiti, kako zahtjeve i interese bosanskohercegovačkih proizvođača i prerađivača vina, tako i zahtjeve važećih Uredbi EU legislative, u onoj mjeri u kojoj to uslovljavaju međunarodno prihvaćeni ugovori od strane BiH.

Navedena aktivnost predložena je u okviru Projekta “Pilot akcije za integralni ruralni razvoj i revitalizaciju teritorije Bosne i Hercegovine”, finansiranog od strane Italijanske Kooperacije za Razvoj, sa ciljem osiguranja usklađenog razvoja i prilagođavanja domaće legislative u ovoj oblasti sa evropskim standardima. Pored stranih eksperata, u cilju izrade kvalitetnog teksta Nacrta, angažovan je i domaći ekspert sa Poljoprivredno-prehramenog fakulteta Univerziteta u Sarajevu.

Izrađeni tekst Nacrta predmetnog zakona predstavljen je na Radionici održanoj 22. marta 2012. godine u Parlamentarnoj skupštini BiH, na kojoj je zaključeno da se formira Radna grupa koja će razmotriti predloženi tekst.

Predstavnici nadležnih institucija, odnosno članovi radne grupe delegirani su iz entitetskih ministarstava poljoprivrede i Brčko distrikta BiH, Ministarstva poljoprivrede, šumarstva i vodoprivrede Hercegovačko-neretvanskog kantona, Ministarstva gospodarstva Županije Zapadno-hercegovačke, Privredne komore Federacije BiH, Privredne komore Republike Srpske, Federalne uprave za inspeksijske poslove, Republičke uprave za inspeksijske poslove Republike Srpske, Inspektorata Brčko distrikta BiH, Federalnog agromediterranskog zavoda, potom na državnom nivou predstavnici Direkcije za evropske integracije, Spoljnotrgovinske komore BiH i Agencije za bezbjednost hrane.

Radna grupa za izradu Zakona o vinu Bosne i Hercegovine i podzakonskih akata Zakona o vinu Bosne i Hercegovine održala je ukupno četiri sastanka na kojima se razmatrao i usaglašavao tekst novog Zakona o vinu.

Dana 24. januara 2013. godine, je održan sastanak sa predstavnicima nadležnih institucija entiteta, predstavnicima Delegacije EC u BiH, predstavnikom Parlamentarne skupštine BiH i Direkcije za evropske integracije, povodom rješavanja spornih (neusaglašenih) pitanja u Nacrtu zakona o vinu BiH.

Značajno je napomenuti da je Ministarstvo spoljne trgovine i ekonomskih odnosa zaprimilo komentare koje je Generalni direktorat Evropske Komisije za poljoprivredu (DG AGRI) dostavio posredstvom EU Delegacije & EUSR-a u BiH na tekst Nacrta i koje su ugrađene u tekst Nacrta zakona o vinu, u skladu sa njihovom opravdanošću.

Nakon svega navedenog Zakon je upućen u propisanu proceduru pribavljanja mišljenja, kako bi u skladu sa jedinstvenim pravilima za izradu pravnih propisa bio upućen na usvajanje. Do danas Ministarstvo nije zaprimilo sva potrebna pozitivna mišljenja kako bi Zakon uputilo u dalju proceduru.

2., „Šta ste konkretno učinili i šta planirate učiniti na uspostavi Državne referentne laboratorije za analizu hrane, hrane za životinje i zarazne bolesti životinja“

U Bosni i Hercegovini trenutno postoji 49 laboratorija za kontrolu hrane koje pripadaju oblasti veterinarstva, poljoprivrede, javnog zdravstva, fakulteta, uz određeni broj privatnih laboratorija. Prema podacima Instituta za akreditaciju BiH, do sada je 13 laboratorija završilo proces akreditacije za određeni broj laboratorijskih metoda, dok se određeni broj metoda nalazi u procesu akreditacije. Laboratorije u BiH su opremljene u toj mjeri da mogu izvršiti veliki broj trenutno propisanih analiza hrane. To se odnosi na mikrobiološke analize, analize teških metala, rezidua pesticida i veterinarskih lijekova, mikotoksina, aditiva, parametara kvaliteta, itd.

U oblasti laboratorijskih analiza na GMO u hrani i hrani za životinje, Savjet ministara je na prijedlog Agencije za bezbjednost hrane u saradnji sa nadležnim organima, ovlastio četiri laboratorije u BiH. U skladu sa zaključcima Savjeta ministara BiH sa 134. sjednice održane dana 05.10.2013. godine, a u cilju pružanja podrške ovlaštenim ispitnim laboratorijama i unapređenju sistema kontrole GMO-a u BiH, Agencija je potpisala protokol o saradnji za razvoj ovlaštenih ispitnih laboratorija za genetički modifikovane organizme u BiH sa Instituto Zooprofilattico Sperimentale delle Regioni Lazio e Toscana, koja će služiti kao referentna laboratorija za područje BiH dok neka od ovlaštenih laboratorija u BiH ne dostigne nivo referentnosti i dobije ovlaštenja od Savjeta ministara BiH.



U 2012. godini formirana je Radna grupa za reviziju dokumente „Državni plan za laboratorije“ koju čine predstavnici Agencije, kao i nadležnih institucija: Ministarstva spoljne trgovine i ekonomskih odnosa BiH, Ureda za veterinarstvo, Uprave za zaštitu zdravlja bilja, Ministarstva zdravlja i socijalne zaštite RS, Federalnog ministarstva zdravstva, Ministarstva poljoprivrede, šumarstva i vodoprivrede RS, Federalnog ministarstva poljoprivrede, vodoprivrede i šumarstva i Odjeljenja za poljoprivredu, šumarstvo i vodoprivredu BD. Do sada su održana četiri sastanka na kojim je razmatran „Državni plan za laboratorije“, na kojim se radila revizija dokumenta ugradnjom svih opravdanih komentara koje su dostavile nadležne institucije, i da osnovu/strukturu tog dokumenta treba da predstavlja lista laboratorija koje su ovlaštene na nivou entiteta i BD, nakon čega bi se sačinila mreža laboratorija koje su ovlaštene u svrhu službene kontrole hrane i hrane za životinje na nivou BiH.

Savjet ministara BiH je svojim zaključkom sa 38. sjednice od 16.02.2013. godine zadužio Ministarstvo spoljne trgovine i ekonomskih odnosa Bosne i Hercegovine i Agenciju za bezbjednost hrane BiH da ulože maksimalne napore kako bi već formirana Radna grupa završila usaglašeni plan za laboratorije radi testiranja uzoraka uzetih u okviru službene kontrole.

Radna grupa za reviziju dokumenta „Državni plan za laboratorije“ nastavlja svoje aktivnosti u oblasti formiranja mreže laboratorija ovlaštenih u svrhu testiranja uzoraka hrane u svrhu službene kontrole, kao i u oblasti izrade strategije razvoja laboratorija u BiH.

Ministarstvo spoljne trgovine i ekonomskih odnosa BiH će u saradnji sa nadležnim institucijama BiH, entiteta i Brčko Distrikta i u narednom periodu nastaviti sve započete aktivnosti na jačanju kapaciteta laboratorija i uspostavljanju mreže laboratorija u BiH ovlaštenih za testiranja uzoraka hrane u svrhu službenih kontrola.

3. „Šta ste konkretno učinili i šta planirate učiniti na donošenju državnog zakona o gasu?“

Stupanjem na snagu Ugovora o osnivanju Energetske zajednice BiH je preuzela obavezu da u sektoru prirodnog gasa primjeni tzv. „drugi paket“ evropskog zakonodavstva, a koji je uključivao Direktive 2003/55/EC; 2004/67/EC i Uredbu 1775/2005.

Zbog promjene evropskog zakonodavstva kojim su pooštreni zahtjevi za interno tržište prirodnog gasa, Ministarski savjet Energetske zajednice je u oktobru 2011. godine donio odluku da usvoji tzv. „treći paket“ evropskog zakonodavstva, tako da je Direktiva 2003/55/EC zamjenjena Direktivom 2009/73/EC, a Uredba 1775/2005 je zamjenjena Uredbom 715/2009. „Treći paket“ evropskog zakonodavstva se posmatra kao nadogradnja na „drugi paket“, čiji rok za primjenu je 1. januar 2015. godine, ali ovaj novi rok ne ukida obavezu primjene „drugog paketa“ u ranije utvrđenim rokovima.

Ministarstvo spoljne trgovine i ekonomskih odnosa BiH je u okviru svojih nadležnosti aktivno na rješavanju pitanja implementacije Ugovora o uspostavi Energetske zajednice u domenu internog tržišta prirodnog gasa više godina. Nažalost, željeni rezultat nije u potpunosti postignut, a primarni razlog je postojanje dva različita entitetska viđenja ili dva koncepta na koji način interno tržište prirodnog gasa u BiH treba biti organizovano. Trenutno je napravljen pomak kroz entitetske Zakone (Republika Srpska je na postojeći Zakon o gasu iz 2007.god usvojila izmjene-dopune Zakona o gasu, a u Federacija BiH je je urađen Nacrt Zakona o gasu i u proceduri je usvajanja). Za donošenje zakona o gasu na nivou BiH nema saglasnosti entiteta u čijoj nadležnosti je pitanje gasne regulative.

S obzirom da su evropske direktive dokumenti opšteg karaktera i da postavljaju ciljeve, a da se zemljama ostavlja mogućnost da u skladu sa svojim unutrašnjim uređenjem same izaberu

način njihove primjene i dostizanje ovih ciljeva, to će i primjena ovog zakonodavstva u BiH biti usklađena sa ustavnom organizacijom zemlje i nadležnostima pojedinih nivoa vlasti.

Pitanje potpune uspostava regulatornog okvira na tržištu gasa i sigurno i transparentno upravljanje sistemom za transport prirodnog gasa, je pitanje na čijem rješavanju će institucije iz BiH raditi, u saradnji sa Sekretarijatom Energetske zajednice, u procesu implemetacije "trećeg paketa" evropskih Direktiva sa već navedenim rokom 1. januar 2015. godine.

Dogovorom oko ovih pitanja doći će se i do dogovora oko zakonskih akata koji će pravno regulisati ovu problematiku.